



Broj: 05/2-50-13-348-3/14

Sarajevo, 21.5.2014.

Z A P I S N I K

3 sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 23.4.2014., s početkom u 10 sati.

Sjednica je bila zatvorena za javnost, jer su na njoj razmatrani materijali sa oznakom tajnosti. Predsjedavao je Vjekoslav Vuković, predsjednik Odbora.

Sjednici su prisustvovala četiri člana Odbora, i to:

1. **Vjekoslav Vuković**
2. **Aleksandra Martinović**
3. **Semir Šut i**
4. **Bakir Dautbašić.**

Opravdano su odsustvovali: **Borislav Radić, Tihomir Marinčić i Negosava Stjepanović, jer** nemaju odgovarajuće dozvole za pristup tajnim podacima.

Kao privremeni sekretar, za potrebe ove sjednice prisutna je bila **Muamera Numić**, sekretar Zajedničke komisije za nadzor nad radom OSABiH.

U svojstvu izjavitelaca na sjednicu su pozvani i prisustvovali: **Ramiz Škulj i Predrag Krsmanović iz Državne agencije za istrage i zaštitu (SIPA).**

Na dnevnom redu bila je samo jedna tačka

D N E V N I R E D

1. Razmatranje predmeta:

- a) P16-06-34-3-39-2/14
- b) P16-06-34-3-39-3/14
- c) P16-06-04-2-205-2/13
- d) P16-06-04-2-205-3/13
- e) P16-06-34-3-154-2/14

Predsjednik **Vuković** otvorio je sjednicu i odmah prešao na dnevni red. Ukratko je objasnio prisutnim članovima Odbora osnovne procedure vezano za rad na zatvorenoj sjednici, te im podijelio primjerke priručnika za rukovanje tajnim podacima koje izdaje Ministarstvo sigurnosti BiH. Potom je dao riječ predstavnicima SIPA-e.

Ramiz **Škulj** rekao je da nije siguran zašto su tačke c), d) i e) uvrštene u dnevni red današnje sjednice, budući da su, prema njegovim riječima, ova pitanja već razmotrena u prošlom sazivu Odbora.

Predsjednik **Vuković** odgovorio je da prilikom stupanja na dužnost trenutnog saziva Odbora, odnosno prilikom primopredaje akata između starog i novog saziva, ovih predmeta nije bilo u dokumentaciji, niti je bilo ikakvih zaključaka Odbora koji bi ukazivali na to da su pitanja iz tač. c), d) i e) već riješena. Dodao je da je dio razloga što su danas predstavnici SIPA-e pozvani na sjednicu upravo činjenica da se Odbor želio iz prve ruke obavijestiti o statusu svih predmeta koji su navedeni u dnevnom redu.

Predstavnici SIPA-e naglasili su da shvataju takvu potrebu Odbora, te ukratko objasnili o čemu je riječ u ovim predmetima, te na koji način su okončani.

Zatim je predsjedavajući **Vuković** upitao šta je razlog što su akti koji su danas razmatrani označeni stepenom tajnosti, ustvrdivši da za to nakon uvida u njihov sadržaj, prema njegovom mišljenju, nije bilo potrebe.

Predrag **Krsmanović** odgovorio je da su svi podaci vezani za osobe uz čija imena se vežu predstavke označeni stepenom tajnosti “na početku preduzetih akcija”, odnosno stepen im je odredio Kriminalističko-istražni odjel (KIO/SIPA) u trenutku kada je rad po tim predmetima započet, a iz razumljivih razloga - zaštite istražnih radnji. Dodao je da su oznake tajnosti nakon toga samo preuzimane, kako je predmet išao od odjela do odjela, ili od jednog organa do drugog, jer je tako propisano Zakonom o zaštiti tajnih podataka.

Ramiz **Škulj** je zatim dodao i da su neki od predmeta koji će možda doći, ili su već došli do Odbora, označeni čak i stepenom “tajno”, te da je razlog tome činjenica da se skoro svakom aktu koji u rad uzme Tužilaštvo praktično automatski po prijemu dodijeli oznaku “T” (tajno). Nakon što predmet jednom dobije takvu oznaku, s njim se dalje mora postupati u skladu s tim, odnosno svaki sljedeći korisnik tog dokumenta mora ga štititi kao tajni podatak stepena “tajno”. Rekao je da samo želi skrenuti pažnju članovima Odbora na tu činjenicu te da, u pravilu, za predmete s tako visokim stepenom tajnosti klasifikaciju nije ni izvršila SIPA, nego Tužilaštvo.

Predsjednik **Vuković** zahvalio je na objašnjenima, te stavio na glasanje prijedlog zaključka kojim se prihvataju izvještaji SIPA-e po svim predstavkama iz današnjeg dnevnog reda, te je **jednoglasno usvojen** sljedeći

ZAKLJUČAK

Odbor za žalbe građana na rad policijskih službenika u policijskim tijelima Bosne i Hercegovine je na 3. sjednici, održanoj 21.5.2014., jednoglasno usvojio izvještaj Državne agencije za istrage i zaštitu po sljedećim predmetima:

- 1. P16-06-04-2-205-2/13, od 6.3.2013.**
- 2. P16-06-34-3-154-2/13, od 20.3.2013.**
- 3. P16-06-04-2-205-3/13, od 28.3.2013.**

4. P16-06-34-3-39-2/14, od 15.1.2014.

5. P16-06-34-3-39-3/14, od 2.4. 2014.

Odbor za žalbe na rad policijskih službenika u policijskim tijelima Bosne i Hercegovine zaključio je da u postupanju policijskih službenika i nadležnih organa po navedenim pitanjima nisu utvrđene nepravilnosti ni povrede relevantnih zakona. Ovaj zaključak bit će dostavljen žaliteljima – osobama koje su uputile predstavke i Državnoj agenciji za istrage i zaštitu.

Ovaj zaključak je konačan i na njega nije moguće uputiti žalbu.

Nakon toga predsjednik **Vuković** zaključio je sjednicu.

Sjednica je završena u 10, 30 sati.

Predsjednik
Odbora za žalbe građana
Vjekoslav Vuković

Zapisnik sastavila:

Muamera Numić